



**II Kongres Ljekarske/Liječničke komore
Federacije Bosne i Hercegovine
sa međunarodnim učešćem**

MEDICINSKO PRAVO

Prva obavijest

Tuzla, Bosna i Hercegovina
11. – 13. novembar/studen 2022. godine

Poštovani/a,

Iznimna nam je čast i veliko zadovoljstvo pozvati Vas na II Kongres Ljekarske/liječničke komore Federacije Bosne i Hercegovine sa međunarodnim učešćem na temu „Medicinsko pravo“, koji će se održati u Tuzli od 11. do 13. novembra/studenog 2022. godine.

Medicinsko pravo je grana prava koja obuhvata sve pravne aspekte zdravstvenih djelatnosti, sve subjekte, odnose i postupke za koje pravni poredak veže određene pravne učinke, odnosno prava, obaveze i odgovornosti. Na ovom području pravo i medicina se susreću i teže zajedničkom cilju – očuvanju čovjekovih najvrijednijih dobara: života, tijela, zdravlja i ljudskog dostojanstva, kao iznimno značajanog segmenta zaštite ljudskih prava. Zbog svoje interdisciplinarnosti medicinsko pravo je vrlo kompleksno, pa zahtijeva od ljekara i drugih zdravstvenih radnika barem elementarno poznavanje prava, ali i od pravnika koji rade u zdravstvu barem elementarno poznavanje medicinske problematike. Stoga je ovaj Kongres i zamišljen kao mjesto susreta medicinske i pravne struke i nauke, razmjene mišljenja i iskustava, prikaza primjera dobre prakse, ali i ukazivanja na lošu praksu.

Zašto želimo aktualizirati medicinsko pravo? U Bosni i Hercegovini, za razliku od zemalja u susjedstvu, kao i Evropskoj uniji, nemamo institut medicinskog prava niti kao naučno-nastavnu jedinicu pravnih ili medicinskih fakulteta, niti kao zaseban pravni subjekt. Stoga nam je i cilj animirati akademsku i strukovnu zajednicu (pravne i medicinske) da iniciraju stvaranje ovog instituta, bilo kroz katedre fakulteta, ili na drugi način.

Biće nam izuzetna čast da, s obzirom na važnost tema kojima ćemo se baviti uzmete aktivno učešće na ovom Kongresu, kako bismo zajednički doprinijeli osnaživanju vladavine prava i jačanju zdravstvenog sistema u Bosni i Hercegovini, te zajedničkim naporima i zalaganjem povratili povjerenje građana u pravne i zdravstvene institucije sistema.

S poštovanjem,

Predsjednica Ljekarske/liječničke komore
Federacije Bosne i Hercegovine
Dr. Amila Bećirović

INFORMACIJE O KONGRESU

Organizator

Ljekarska/liječnička komora Federacije Bosne i Hercegovine

Pokrovitelj

Federalno ministarstvo zdravstva

Organizacioni odbor

Dr. Amila Bećirović

Dr. Goran Čerkez

Dr. Selvedina Šarajlić Spahić

Dipl. iur. Lejla Šehović

Dipl. žurnal. Emina Husejnović

Naučni odbor

Prof. dr. Zaim Jatić

Prof. dr. Lejla Mešalić

Dr. Dženan Lepara

Prof. dr. Boris Krešić

Mr. iur. Ervin Mujkić

Dipl. iur. Adisa Mehić

Glavna tema

Medicinsko pravo

Tematska područja

1. Medicinska etika i deontologija (pravila struke, smjernice i preporuke, pozitivni zakonski propisi u BiH, EU i trećim zemljama, odgovornost, smjernice u liječenju).
2. Medicinsko pravo (Institut medicinskog prava, krivična, građanska, prekršajna odgovornost zdravstvenih radnika, ljekarska greška, odgovornost za naknadu štete zbog medicinske greške, disciplinska, etička i moralna odgovornost ljekara, medicinsko vještačenje u parničnim i krivičnim postupcima, procesnopravni aspekt odlučivanja o prigovoru pacijenta).
3. Sudska praksa (prikaz slučaja, važnost poštivanja smjernica, predstavke građana/pacijenata, alternativno rješavanje sporova u zdravstvu).
4. Klinička ispitivanja lijekova u BiH: trenutna stanja i mogućnosti.
5. Zakonska regulativa i prostor za promjene (funkcioniranje sistema – prednosti i mane, prava, obaveze i odgovornosti pacijenata, upravljanje ljudskim resursima u zdravstvenim ustanovama, sindikati i kolektivno pregovaranje u zdravstvu, dopunski rad zdravstvenih radnika).
6. Zaštita ljekara (mehanizmi i preporuke).
7. Zaštita tajnosti medicinskih podataka u elektronskom obliku.

Pozvani govornici koji su potvrdili svoje sudjelovanje na Kongresu:

Prof. dr. sc. Jozo Čizmić

Redoviti profesor na Katedri za građansko-procesno pravo Pravnog fakulteta u Splitu

Prof. dr. sc. Hajrija Mujović

Naučni savjetnik, potpredsjednik Udruženja pravnikâ za medicinsko i zdravstveno pravo Srbije SUPRAM, delegat u Svjetskom udruženju za medicinsko pravo (WAML)

Prof. dr. Zaim Jatić

Medicinski fakultet Univerziteta u Sarajevu, predsjednik Udruženja ljekara porodične/obiteljske medicine Federacije BiH

Mr. iur. Vedran Marčinko

Federalno ministarstvo zdravstva, predsjednik Stručnog vijeća Agencije za lijekove i medicinska sredstva BiH

Dipl. iur. Alma Suljić, ured Ombudsmana za ljudska prava u BiH, šefica Područnog ureda Brčko

Mr. iur. Salih Valjevac

Direktor Agencije za kvalitet i akreditaciju u zdravstvu u Federaciji BiH

Mr. iur. Ervin Mujkić

Univerzitetski klinički centar Tuzla, nacionalna kontakt osoba za BiH u Europskoj asocijaciji za zdravstveno pravo (European Association of Health Law)

Prim. dr. Goran Pavić

Specijalist epidemiolog, EPI koordinator za Županiju Posavsku

Prof. dr. Munevera Bećarević

Medicinski fakultet Univerziteta u Tuzli

Prof. dr. Harun Brkić

Univerzitetski klinički centar Tuzla

KOTIZACIJA

Učešće članova Ljekarske/Liječničke komore Federacije Bosne i Hercegovine je besplatno.

Kotizacija za ostale učesnike iznosi 150 KM.

Studenti medicinskih i pravnih fakulteta plaćaju kotizaciju u iznosu od 50 KM, a omogućeno im je sudjelovanje na sva tri dana kongresa, materijali, te ručak i osvježenje u pauzama.

Sve cijene uključuju PDV.

Simpozij je planiran i u LIVE obliku, stoga je broj mjesta ograničen.

Kotizacija uključuje:

- kongresnu torbu sa kongresnim materijalima,
- konačan program,
- zbornik radova (u elektronskoj formi),
- akreditaciju za sudjelovanje,
- osvježenje za vrijeme pauza,
- ručak,
- potvrdu/certifikat o učešću.

Pristup Kongresu bit će omogućen samo registriranim sudionicima koji imaju vidljivo istaknutu akreditaciju.

DOSTAVLJANJE RADOVA I POSTER-PREZENTACIJA

Radovi i poster-prezentacije se dostavljaju e-mailom na adresu: lj_lkfbih@bih.net.ba, a prijem rada ili poster-prezentacije se može provjeriti i kontaktom na broj telefona: 035/257 262. Krajnji rok za dostavljanje abstrakta radova i poster-prezentacija je 30. septembar/rujan 2022. godine., a radovi in extenso do 31.10.

UPUTE ZA AUTORE RADOVA

Jezik i pismo

Radovi se dostavljaju na bosanskom, hrvatskom i srpskom jeziku (u latiničnom ili ćirilichnom pismu) ili na engleskom jeziku.

Recenzija

Svaki rad će biti upućen na recenziju, te nakon ocjene recenzenta eventualno može biti vraćen autoru sa obrazloženim zahtjevom za ispravak ili dopunu ukoliko se to smatra neophodnim. Samo radovi koji dobiju dvije pozitivne anonimne recenzije će biti uvršteni u konačni program Kongresa.

Objavljivanje

Svi radovi koji budu uvršteni u konačni program Kongresa će biti objavljeni u Zborniku radova u elektronskom obliku. Osnovni uslov za objavu rada je da isti nije prethodno objavljivao, niti se nalazi u recenzentskom postupku pri nekom naučnom ili stručnom časopisu. Izdavač zadržava i pravo objave prihvaćenih radova na web stranici.

Forma i tehnička obrada rada

Radovi se dostavljaju isključivo u elektronskoj formi i trebaju biti kreirani u programu Microsoft Word ili sličnom programu za obradu teksta koji podržava format .doc ili .docx. i moraju biti prethodno lektorirani. Naučni odbor zadržava pravo da po potrebi vrši dodatne lektorske korekcije. Dostavljeni naučni i stručni radovi ne bi trebali prelaziti dužinu od 10.000 riječi, uključujući sve dijelove rada. Izuzetno, Naučni odbor može odobriti i radove sa dužinom koja prelazi navedeni broj riječi, ukoliko ocijeni da je rad značajan za razvoj medicinskog prava. Svaki autor treba dostaviti izjavu da je rad njegovo autorsko djelo i da nije prethodno objavljen, niti će biti ponuđen nekom naučnom ili stručnom časopisu na objavljivanje. Bez navedenih elemenata rad neće biti prihvaćen, niti objavljen.

Radovi se pišu koristeći font Times New Roman, veličine 12 pt (osim teksta u fusnotama koji treba biti veličine 10 pt), u običnom proredu, na stranicama standardne veličine (A4), sve margine 2,5 cm. U zaglavlju rada treba navesti podatke o autoru ili autorima (ime(na) i prezime (na), titule i naziv ustanove u kojoj je autor(i) zaposlen(i), e-mail adresu).

Rad treba sadržavati uvod, glavni dio rada, zaključak i popis korištene literature. Svaki rad mora sadržavati sažetak od 150-200 riječi i od tri do pet ključnih riječi na jednom od službenih jezika u Bosni i Hercegovini i na engleskom jeziku iste dužine. Fusnote se pišu arapskim brojevima i unose se u kontinuitetu od broja 1 pa dalje.

Literatura/izvori se u fusnotnom tekstu navodi prema sljedećem modelu:

1. Za knjige se navodi prvo slovo imena i prezime autora pisano običnim slovima, naslov knjige pisan u kurzivu, mjesto i godina izdanja i broj citirane stranice. Ako su u pitanju dva autora, navode se oba, a ako je u pitanju tri i više autora, navodi se samo prvi autor i dodaje skraćenica "i dr."

Npr. S. Bodnaruk i dr., *Komentari zdravstvenih zakona*, Sarajevo, 2011., str. 350.

2. Za radove iz časopisa ili zbornika se navodi: prvo slovo imena i prezime autora pisano običnim slovima, naslov rada pisan u kurzivu, naslov publikacije u kojoj je rad objavljen pisan običnim slovima, mjesto i godina izdanja i oznaka broja časopisa. U

zagradi se unose prva i zadnja stranica citiranog rada, a zatim, nakon zatvorene zagrade, broj stranice na kojoj se nalazi relevantan citat.

Npr. J. Omejec, *Zabrana diskriminacije u praksi Europskoga suda za ljudska prava*, Zbornik Pravnog fakulteta u Zagrebu, 2009., Br. 59 (5), str. (873-979) 880.

Kada se isto djelo ponovo navodi, unosi se samo prezime autora, zatim se u zagradu unosi broj fusnote u kojoj se to djelo prvi put spominje i na kraju broj citirane stranice.

Npr. Bodnaruk (fn. 3), s. 89.

Ukoliko se već u sljedećoj fusnoti referira na isto djelo, unosi se Ibid i broj stranice.

Npr.

1. S. Bodnaruk i dr., *Komentari zdravstvenih zakona*, Sarajevo, 2011., str. 350.
2. Ibid, s. 359.

3. Zakoni se citiraju u punom nazivu, zatim se unosi u kurzivu skraćeni naziv glasila u kojem je objavljen. Naslovi zakona i imena službenih glasila se ne stavljaju pod navode ili u zagrade.

Npr. Član 25. stav 18. Zakona o zabrani diskriminacije, Sl. gl. BiH 59/09, 66/16.

4. Internet linkovi se u fusnote unose na sljedeći način:
World Health Organization, The ICD-10 Classification of Mental and Behavioural Disorders, Clinical descriptions and diagnostic guidelines, dostupno na: <http://www.who.int/classifications/icd/en/bluebook.pdf> (pristup: 19.07.2022.).
5. U spisku korištene literature se unose se podaci na identičan način kao i u fusnotama, s tim da se redoslijed uređuje po abecedi, prema početnom slovu prezimena (prvog) autora.

Autorska prava

Autori zadržavaju autorska prava za objavljene radove, te svojim pristankom na objavljivanje u Zborniku radova daju pravo prvog objavljivanja u elektronskom i eventualno u štampanom formatu. Objavljeni radovi se, uz obavezno navođenje izvora, smiju besplatno koristiti u obrazovne i u druge nekomercijalne svrhe.

Izjava o odricanju od odgovornosti

Autori snose isključivu odgovornost za odabir istraživačkih tema i sadržaj objavljenih radova. Stavovi izneseni u radovima izloženim na Kongresu i objavljenim u Zborniku radova nisu nužno identični stavovima Naučnog odbora, niti stavovima Ljekarske/Liječničke komore Federacije BiH, kao organizatora Kongresa i izdavača Zbornika radova. Niti Naučni odbor, niti Ljekarska/Liječnička komora Federacije BiH, kao organizator Kongresa i izdavač Zbornika radova, nisu odgovorni za pogreške ili bilo kakve posljedice koje proizlaze iz podataka iznesenih na Kongresu ili objavljenih u Zborniku radova.

UPUTE ZA AUTORE POSTER-PREzentACIJA

Poster prezentacije se trebaju sastojati od sljedećih dijelova:

1. Naslov. Potrebno je kratko i jasno prikazati temu, pristup i metode istraživanja [maksimalna dužina: 1-2 reda].
2. Uvod. Poželjno je gledatelje zainteresirati za predmet istraživanja koristeći minimum pozadinskih obavijesti i definicija. Predmet istraživanja potrebno je postaviti u kontekst dosadašnjih spoznaja objavljenih u postojećoj literaturi. Potrebno je opisati i objasniti zašto je ta tema odabrana za istraživanje [maksimalna dužina: približno 200 riječi].
3. Metode istraživanja. Ukratko opisati hipotezu i naučne metode korištene u istraživanju. Moguće je koristiti tabele i grafikone za prikaz metodologije i opis postupka istraživanja [maksimalna dužina: približno 200 riječi].
4. Rezultati. Ukratko prikazati kvalitativne i opisne rezultate istraživanja, prikazati analizu podataka, pozvati se na popratne slike, grafikone i tabele (u njima paziti na veličinu i privlačnost legendi koje ih opisuju) [maksimalna dužina: približno 200 riječi].
5. Zaključak. Podsjetiti gledatelje na hipotezu i rezultate istraživanja, te utvrditi da li je hipoteza potvrđena. Raspraviti zašto je rezultat uvjerljiv i zanimljiv. Istaknuti važnost istraživanja u odnosu na druge objavljene radove i daljnji smjer istraživanja [maksimalna dužina: približno 300 riječi].
6. Literaturni navodi. Slijediti standardni format ako je naveden ili koristiti onaj u radu [maksimalna dužina: približno 10 navoda].

Oblikovati naslov postera malim slovima (engl. Sentence case). Ne koristiti velika početna slova riječi (engl. Title Case) ili sva velika slova (engl. ALL CAPS).

Vidljivo napisati tko su autori postera. Napisati imena i prezimena svih autora i podatke o njihovom trenutnom zaposlenju.

Koristiti font bez ukrasa (engl. sans serif) (npr. Arial) za naslove i nazive odlomaka te font s ukrasima (engl. serif) (npr. Times New Roman) za tekst.

Ne koristiti preveliku raznolikost veličine i vrste fontova u posteru, odnosno ne koristiti različitu veličinu i vrstu fontova za svaki odlomak, naslov, grafikon, tabelu i sl.

Organizirati poster u redove i sadržaj posložiti tako da se praćenje odvija vertikalno od vrha prema dnu, s lijeva na desno.

Označiti dijelove brojevima (npr. 1, 2, 3, ...) kako bi slijed čitanja bio svima jasan.

Koristiti ukošeni (engl. italic) font umjesto podcrtanog (engl. underline) fonta.

Pri korištenju skraćenica i brojeva (npr. ATD, 123) unutar tijela teksta, umanjiti veličinu fonta za nekoliko tačaka kako njihova veličina ne bi prevladala nad tekstom napisanim malim slovima.